



Kouman Pou Korije Dosye Salè Ou Nan Sekirite Sosyal

Si w gen omwen 25 kan epi w ap fè yon djòb kote ou peye taks Sekirite Sosyal, ou ta dwe resevwa yon *Etadkont Sekirite Sosyal* chak ane, apeprè twa (3) mwa anvan anivèsè nesans ou. Ou ta dwe verifye *Etadkont* ou avèk atansyon pou asire li prezante egzateman kantite lajan ou touche chak ane. Kèkfwa, gen salè ki ka pa nan dosye ou. Ou ta dwe verifye *Etadkont* lan tou pou asire non ou dat nesans ou kòrèk.

Pou kisa li enpòtan pou dosye salè mwen kòrèk?

Kantite lajan benefis Sekirite Sosyal ou menm oswa fanmi ou ka resevwa depann de kantite lajan salè ki endike nan dosye ou. Si tout salè ou touche pa endike nan dosye ou, sa ka diminye benefis Sekirite Sosyal pou ou oswa pou fanmi ou.

Kouman salè ka pa nan dosye mwen?

Si salè ki pa nan dosye Sekirite Sosyal ou konsène ane sa a oswa ane pase, ou pa bezwen enkyete pou sa. Paske salè sa yo resan, nou ka pokò antre yo. Yo ta dwe parèt nan pwochen *Etadkont* lan.

Men tou, salè yo ka pa nan dosye ou pou ane anvan yo pou youn nan rezon sa yo:

- Travay ou te rapòte salè ou sou yon lòt non oswa yon lòt nimewo Sekirite Sosyal.
- Travay ou te mal rapòte salè ou.
- Ou te marye oswa divòse epi ou te chanje non ou, men ou pa t janm rapòte chanjman ba Sekirite Sosyal.
- Ou te travay avèk yon nimewo Sekirite Sosyal ki pa t pou ou.

Kisa mwen ta dwe fè si gen salè ki pa nan dosye mwen?

Si w ta dekoutri gen salè ki manke nan dosye ou, premye sa pou fè se jwenn kèk prèv pou salè sa yo. Prèv sa a ka:

- Yon fòm W-2 (*Wage and Tax Statement—Etadkont Salè ak Taks*);
- Yon fòm taks
- Yon souch chèk oswa yon bilten salè;
- Pwòp dosye salè ou; oswa
- Nenpòt dokiman ekri ki montre ou te travay.

Si w pa ka jwenn okenn dokiman ekri ki montre salè ou; eseye sonje enfòmasyon sa yo epi ekri yo nan ti kanè ou:

- Kote ou te travay;
- Non kote ou te travay la;
- Dat ou te travay yo;
- Konbyen lajan ou te touche; epi
- Non ak nimewo Sekirite Sosyal ou te itilize pou w te travay.

Kouman Sekirite Sosyal ka ede mwen?

Apre w fin reyini dokiman ou yo oswa apre w fin fè yon lis tout enfòmasyon ou ka sonje, kontakte Sekirite Sosyal. N ap travay avèk ou pou korije dosye ou. Pwosesis sa a ka pran kèk tan, selon enfòmasyon ou pote ban nou sou salè ki pa nan dosye ou. Nou ka bezwen kontakte kote ou te travay yo oswa nou ka mande w pou kontakte yo.

Kisa pou mwen fè si mwen pa resevwa yon *Etadkont*?

Si w pa t resevwa yon *Etadkont*, ou ka mande youn sou Entènèt nan www.socialsecurity.gov oswa kontakte nou.

Kontakte Sekirite Sosyal

Pou plis enfòmasyon ak pou jwenn kopi publikasyon nou yo, vizite wèbsayt nou nan www.socialsecurity.gov oswa rele nan nimewo telefòn gratis **1-800-772-1213** (pou malantandan oswa pou moun ki tandé di, rele nan nimewo TTY nou, **1-800-325-0778**). Nou ka réponn késyon espesifik epi ba ou enfòmasyon nan sèvis telefòn otomatik 24 èdtan pa jou.

Si w bezwen yon entèprèt pou regle afè sekirite sosyal ou, n ap fè w jwenn youn gratis. Sèvis entèprèt yo disponib ni pou lè w ap pale avèk nou nan telefòn ni pou lè w vini nan biwo Sekirite Sosyal. Rele nan nimewo telefòn gratis nou **1-800-772-1213**. Si w pale yon lang ki pa Angle, peze 1 epi rete sou liy lan pou jouk lè yon reprezantan reponn. N ap kontakte yon entèprèt pou ede w. Si afè w la pa ka regle nèt nan telefòn, n ap pran yon randevou pou ou nan yon biwo lokal Sekirite Sosyal epi n ap aranje nou pou yon entèprèt (lang) la nan moman vizit ou a.

Yon reprezantan Sekirite Sosyal ka di ou ki benefis ki ka peye épi li ka pran yon randevou, si sa nesesè, pou ranpli yon fòm réklamasyon. Nou trete tout apèl yo avèk konfidansyalite. Nou Vle asire tou ou résévwwa sèvis egzat ak koutwa. Sepou rézon sa a nou genyen yon dezyèm reprezantan Sekirite Sosyal pou kontwole kèk apèl telefonik.